

## Фикҳ дарслари (133-дарс). Халога кираётганда ўқиладиган дуо (биринчи мақола)



16:16 / 22.04.2021 3144

1. Қазои ҳожат қилмоқчи бўлган шахс Аллоҳ таолонинг исми ёзилган, шунингдек, малоикалар, «Азийз», «Карим», «Муҳаммад», «Аҳмад»га ўхшаш улуғ исмлар ёзилган нарсаларни ўзи билан бирга олмаслиги керак.

لَحْدٍ إِذْ مَلَ سَوْهُ يَلْعَلْ لَلِئَلِّصُ يَبْنَلْ نَاكَ لِقَاؤُهُ نَعْلَلْ لِيَضْرَسَنَ أَنْ نَعْلَلْ  
يَذْمُرْتَلْ أَوْ دُوَادُ وَبَأَهْ أَوْرُ. هَمْ تَخَعَزْنَءَلْ خَلْ لَلِ

Анас розияллоҳу анҳудан ривоят қилинади:

«Набий соллаллоҳу алайҳи васаллам қачон халога кирсалар, узукларини ечиб қўяр эдилар».

Абу Довуд ва Термизий ривоят қилишган.

Маълумки, Расули Акрам соллаллоҳу алайҳи васалламнинг узукларида «Муҳаммадур-Расулulloҳ» деган ёзув бор эди. Подшоҳларга мактуб юборсалар, ўша узукни муҳр қилиб босар эдилар. Узукда Аллоҳнинг исми ёзилган бўлгани учун ҳам халога кирганларида уни ечиб қўяр эдилар.

Шунга биноан, Аллоҳнинг исми ёзилган нарса билан, айниқса Қуръон билан халога кириб бўлмайди.

2. Истинжо қиладиган нарсаси ва сувини тайёрлаб олиб, кейин оёқ ва бош кийими билан халога кириш керак.

3. Халога кирганда аввал ичкарига чап оёқни қўяди ва Расулуллоҳ соллаллоҳу алайҳи васалламнинг қуйидаги ҳадисларида келган дуони ўқийди:

**لَا حَرَّ دَايِمًا لَسَوْ وَهِيَ لَعْلَلِ لَيْلٍ صَبَّ نَلَا نَاكَ؛ لَأَقُوهُ نَعْلَلِ لِي صَرَسَنَ أَنْ نَعْلَلِ  
ةَسْمُ خَلْ أَوْر. «ثِيَابُ خَلِّ أَوْ ثُبُخْلَانِ مَلَكُ بَدُوْعُ أَيِّنِ إِمُّهُ لَلِ»؛ لَأَقُوهُ خَلِّ لَلِ**

Анас розияллоҳу анҳудан ривоят қилинади:

«Набий соллаллоҳу алайҳи васаллам қачон халога кирсалар:

«Аллоҳумма инний аъузу бика минал хубуси вал хобааиси» – «Аллоҳим, Сендан эркак ва урғочи ифлослар(шайтонлар)дан паноҳ тилайман», дер эдилар».

Бешовлари ривоят қилишган.

Ушбу дуони хало очик жойда бўлса, қазои ҳожатга тайёрланаётган вақтда, махсус жойда бўлса, унга киришдан олдин ўқиш керак. Чунки Пайғамбаримиз соллаллоҳу алайҳи васаллам бу дуони доимо ўқир эдилар.

Эркак ва урғочи шайтонлардан паноҳ тилашнинг ҳикмати шуки, одатда хало жойида Аллоҳ таолонинг номи зикр этилмагани учун, эркак-урғочи шайтонлар у жойни ўзига қароргоҳ қилиб олган бўлади. Аллоҳ таолодан паноҳ сўрамай кирган одамга зарар етказишлари мумкин.

Шунинг учун ушбу ҳадисдаги дуони ёдлаб олиб, халога киришдан олдин ўқишни одатга айлантириш ҳар бир киши учун зарурдир.

**«لَأَقُوهُ لَسَوْ وَهِيَ لَعْلَلِ لَيْلٍ صَبَّ نَلَا نَاكَ؛ لَأَقُوهُ نَعْلَلِ لِي صَرَسَنَ أَنْ نَعْلَلِ  
لَوُقِي نَأْءَالِ خَلِّ لَلِ مُهَدَحْ أَلِ حَدِ دَايِمًا لَسَوْ وَهِيَ لَعْلَلِ لَيْلٍ صَبَّ نَلَا نَاكَ؛ لَأَقُوهُ نَعْلَلِ لِي  
صَرَسَنَ أَنْ نَعْلَلِ لَلِ إِمُّهُ لَلِ»؛ لَأَقُوهُ خَلِّ لَلِ»؛ لَأَقُوهُ خَلِّ لَلِ**

Али розияллоҳу анҳудан ривоят қилинади:

«Расулуллоҳ соллаллоҳу алайҳи васаллам:

«Жинларнинг кўзлари билан одам боласининг аврати орасидаги тўсиқ – қачон бирортангиз халога кирса, «Бисмиллаҳ», демоғидир», дедилар».

Термизий ва Аҳмад ривоят қилишган.

Одам боласи халога киришдан олдин «Бисмиллаҳ»ни айтса, бу унинг авратини жинларга кўрсатмайдиган тўсиқ бўлар экан.

Уламоларимиз иккала ҳадисни жамлаб: «Халога кираётган одам: **«Бисмиллаҳи, Аллоҳумма инний аъузу бика минал хубуси вал хобаиси»**, дейиши керак», дейдилар.

Халодан чиқаётганда эса имом Ибн Можа қилган ривоятга биноан, **«Алҳамду лиллаҳиллазий азҳаба анний ал-азаа ва аъфаний»**, дейди.

*(Давоми бор)*

**«Кифоя» китобининг биринчи жузи асосида тайёрланди**